

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**  
**ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎ**

**24 փետրվարի 2020թ.  
ք.Երևան**

**N 15-Ա**

**Ո Ր Ո Շ ՈՒ Մ**

**ՀԱՆՐԱՔՎԵԻ ՔԱՐՈՉՉՈՒԹՅԱՆ ՖԻՆԱՆՍԱՎՈՐՄԱՆ ՀԻՄՆԱԴՐԱՄԻ  
ՄԻՋՈՑՆԵՐԻ ՕԳՏԱԳՈՐԾՄԱՆ, ՀԻՄՆԱԴՐԱՄԻՑ ԿԱՏԱՐՎՈՂ ԾԱԽՍԵՐԻ  
ՀԱՇՎԱՌՄԱՆ ԿԱՐԳԸ, ՀԻՄՆԱԴՐԱՄ ԿԱՏԱՐՎԱԾ ՄՈՒԾՈՒՄՆԵՐԻ ԵՎ ԴՐԱՆՑ  
ՕԳՏԱԳՈՐԾՄԱՆ ՎԵՐԱԲԵՐՅԱԼ ՀԱՅՏԱՐԱՐԱԳՐԻ ՁԵՎԸ ՍԱՀՄԱՆԵԼՈՒ ՄԱՍԻՆ**

Ղեկավարվելով «Հանրաքվեի մասին» Հայաստանի Հանրապետության սահմանադրական օրենքի 19-րդ հոդվածի 1-ին մասով, 20-րդ հոդվածի 1-ին մասով, «Հայաստանի Հանրապետության ընտրական օրենսգիրք» օրենքի 26-րդ հոդվածի 5-րդ մասով և 28-րդ հոդվածի 2-րդ մասով՝ Հայաստանի Հանրապետության կենտրոնական ընտրական հանձնաժողովը

**Ո Ր Ո Շ ՈՒ Մ Է.**

1. Սահմանել, որ հանրաքվեի քարոզչության կողմերը զանգվածային լրատվության միջոցներով հանրաքվեի քարոզչություն իրականացնելու, ժողովներ, հանդիպումներ և հանրաքվեի հետ կապված այլ միջոցառումներ կազմակերպելու նպատակով դահլիճների, տարածքների վարձակալման, հանրաքվեի քարոզչության իրականացման նպատակով կազմավորված գրասենյակների կամ շտաբների (այսուհետ՝ շտաբներ) տարածքների վարձակալման, քարոզչական պաստառի, քարոզչական տպագիր և այլ նյութերի պատրաստման (տեղադրման), ձեռքբերման, քաղաքացիներին տրամադրվող քարոզչական բոլոր տեսակի նյութերի (ներառյալ՝ տպագիր նյութերի) պատրաստման ֆինանսավորման համար օգտագործում են միայն քարոզչության ֆինանսավորման հիմնադրամի միջոցները:

2. Քարոզչության կողմերը «Հանրաքվեի մասին» սահմանադրական օրենքի 20-րդ հոդվածի 1-ին մասով սահմանված ժամկետներում Կենտրոնական ընտրական հանձնաժողովի վերահսկիչ-վերստուգիչ ծառայություն են ներկայացնում հանրաքվեի քարոզչության ֆինանսավորման հիմնադրամ կատարված մուծումների և դրանց օգտագործման հայտարարագրերը (այսուհետ՝ հայտարարագիր):

Հայտարարագրում նշվում են՝

1) քարոզչության ֆինանսավորման հիմնադրամ կատարված մուծումների ժամանակագրությունը, մուծված գումարի չափը.

2) սույն որոշման 1-ին կետով սահմանված յուրաքանչյուր ծառայության ձեռքբերման, գույքի կամ ապրանքի ձեռքբերման (վարձակալման) համար կատարված ծախսերը, դրանց կատարման ժամկետը, ծախսերի կատարումը հաստատող փաստաթղթերի տվյալները.

3) հիմնադրամում մնացած գումարի չափը:

3. Սահմանել, որ հանրաքվեի քարոզչության կողմերի կազմավորած շտաբները չեն կարող տեղակայվել պետական և տեղական ինքնակառավարման մարմինների գրադեցրած շենքերում (բացառությամբ այն դեպքերի, երբ շտաբները գրադեցնում են այդ մարմիններին չպատկանող տարածք), հանրակրթական ուսումնական հաստատությունների շենքերում, ինչպես նաև այն շենքերում, որտեղ գործում են ընտրական հանձնաժողովները:

4. Քարոզչության կողմերի հայտարարագրերը, հիմնադրամներ կատարված մուծումների և դրանց օգտագործման վերաբերյալ մյուս փաստաթղթերը հանրաքվեի փաստաթղթերի հետ «Հանրաքվեի մասին» սահմանադրական օրենքով սահմանված ժամկետներում պահպանության են հանձնվում Հայաստանի պետական արխիվ:

5. Սահմանել հիմնադրամ կատարված մուծումների և դրանց օգտագործման վերաբերյալ հայտարարագրի ձևը՝ համաձայն հավելվածի:

6. Սահմանել, որ հայտարարագիրը կողմերը ներկայացնում են թղթային տարբերակով և էլեկտրոնային կրիչով՝ Adobe Acrobat (\*.pdf) (Ադոբե Աքրոբատ (\*.պդֆ)) տարբերակով՝ մեկ ֆայլի մեջ: Հայտարարագրի էլեկտրոնային տարբերակը ներբեռնվում է Կենտրոնական ընտրական հանձնաժողովի համացանցային կայքից և լրացվում այդ տարբերակում նշված եղանակով:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԵՆՏՐՈՆԱԿԱՆ ԸՆՏՐԱԿԱՆ  
ՀԱՆՁՆԱԺՈՂՈՎԻ ՆԱԽԱԳԱՀ**

**Տ. Մուկուչյան**

Հ Ա Յ Տ Ա Ր Ա Ր Ա Գ Ի Ր

Հանրաքվեի քարոզչության ֆինանսավորման հիմնադրամ կատարված մուծումների և դրանց օգտագործման

քարոզչության կողմի անվանում

հաշվետու ժամանակահատված

| Մուտքեր                                  |                                         | Ծախսեր                                                                                                                   |                                                                                                          |                                         |                                                                                                       |                                                                                                                                                    |                                                                                                                                                           |
|------------------------------------------|-----------------------------------------|--------------------------------------------------------------------------------------------------------------------------|----------------------------------------------------------------------------------------------------------|-----------------------------------------|-------------------------------------------------------------------------------------------------------|----------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------|
| Հիմնադրամի մուծումների ժամանակագրություն | Հիմնադրամ մուծված գումարի չափ (ՀՀ դրամ) | ԿԸՀ 24.02.2020թ. N 15-Ա որոշման 1-ին կետով նկարագրված ապրանքների և ծառայությունների ձեռքբերման ծախսերի ժամանակագրություն | ԿԸՀ 24.02.2020թ. N 15-Ա որոշման 1-ին կետով նկարագրված ձեռք բերված ապրանքների և ծառայությունների անվանում | Ծախսերի չափը (ՀՀ դրամ)                  |                                                                                                       | ԿԸՀ 24.02.2020թ. N 15-Ա որոշման 1-ին կետով նկարագրված ապրանքների և ծառայությունների համար կատարված ծախսերի կատարումը հավաստող փաստաթղթերի տվյալներ | ԿԸՀ 24.02.2020թ. N 15-Ա որոշման 1-ին կետով նկարագրված ապրանքների և ծառայությունների ձեռքբերման հետ կապված, դեռ չվճարված դրամական պարտավորությունների չափը |
|                                          |                                         |                                                                                                                          |                                                                                                          | Հիմնադրամից կատարված ծախսի փաստացի չափը | ԿԸՀ 24.02.2020թ. N 15-Ա որոշման 1-ին կետով նկարագրված ապրանքների և ծառայությունների շուկայական արժեքը |                                                                                                                                                    |                                                                                                                                                           |
| 1                                        | 2                                       | 3                                                                                                                        | 4                                                                                                        | 5                                       | 6                                                                                                     | 7                                                                                                                                                  | 8                                                                                                                                                         |
|                                          |                                         |                                                                                                                          |                                                                                                          |                                         |                                                                                                       |                                                                                                                                                    |                                                                                                                                                           |
| Ընդամենը                                 |                                         | Ընդամենը                                                                                                                 |                                                                                                          |                                         |                                                                                                       |                                                                                                                                                    |                                                                                                                                                           |

|                                 |  |
|---------------------------------|--|
| Հիմնադրամում մնացած գումարի չափ |  |
|---------------------------------|--|

Հայտարարագիրը բաղկացած է \_\_\_\_\_ թերթից, կից պայմանագրերը, փաստաթղթերը՝ \_\_\_\_\_ թերթից:

**Հիմնադրամ կատարված մուծումների և դրանց օգտագործման հայտարարագիրը կազմելու և ներկայացնելու կարգի ու ժամկետների**

**1. Հայտարարագիրը ներկայացնելու համար.**

- 1.1 Քարոզչության կողմերն իրենց հիմնադրամներ կատարված մուծումների և դրանց օգտագործման վերաբերյալ հայտարարագրերը ներկայացնում են Կենտրոնական ընտրական հանձնաժողովի վերահսկիչ-վերստուգիչ ծառայություն քվեարկության օրվանից համապատասխանաբար 20 օր և 10 օր առաջ, ինչպես նաև քվեարկության օրվանից հետո՝ երրորդ օրը: Հայտարարագիրը ներկայացվում է թղթային տարբերակով և էլեկտրոնային կրիչով՝ Adobe Acrobat (\*.pdf) տարբերակով՝ մեկ ֆայլի մեջ: Հայտարարագրի էլեկտրոնային տարբերակը ներբեռնվում է Կենտրոնական ընտրական հանձնաժողովի համացանցային կայքից և լրացվում այդ տարբերակում նշված եղանակով:
- 1.2 Հայտարարագիրը ներկայացվում է զանգվածային լրատվության միջոցներով քարոզչություն իրականացնելու, ժողովներ, հանդիպումներ և հանրաքվեի հետ կապված այլ միջոցառումներ կազմակերպելու նպատակով դափնիների, տարածքների վարձակալման, շտաբների վարձակալման, քարոզչական պաստառի, քարոզչական տպագիր և այլ նյութերի պատրաստման (տեղադրման), ձեռքբերման, քաղաքացիներին տրամադրվող քարոզչական բոլոր տեսակի նյութերի (ներառյալ՝ տպագիր նյութերի) պատրաստման համար կատարված ծախսերի վերաբերյալ:

**2. Հայտարարագիրը կազմելու համար.**

- 2.1 «քարոզչության կողմի անվանում» տողում լրացվում է հայտարարագիրը ներկայացնող կողմի անվանումը:
- 2.2 «հաշվետու ժամանակահատված» տողում լրացվում է այն ժամանակահատվածը, որի համար ներկայացվում է հայտարարագիրը:
  - 2.2.1. Առաջին հայտարարագրի դեպքում որպես հաշվետու ժամանակահատվածի սկիզբ լրացվում է հանրաքվե նշանակելու մասին Հանրապետության նախագահի հրամանագրի պաշտոնական հրապարակման օրվանից հետո՝ յոթերորդ օրվա օրը, ամիսը, տարեթիվը: Առաջին և երկրորդ հայտարարագրերի դեպքում որպես հաշվետու ժամանակահատվածի վերջ լրացվում է հանրաքվեի քվեարկության օրվան նախորդող համապատասխանաբար 20-րդ և 10-րդ օրերի՝ օրը, ամիսը, տարեթիվը, իսկ վերջին հայտարարագրի դեպքում՝ քվեարկության օրը, ամիսը, տարեթիվը: Յուրաքանչյուր հաջորդ հայտարարագիր իր մեջ ներառում է նախորդ հայտարարագրերի տվյալները:
- 2.3 **«Մուրբեր» մասի.**
  - 1) «Հիմնադրամի մուծումների ժամանակագրություն 1» սյունակի յուրաքանչյուր տողում ըստ հերթականության լրացվում է օրը, ամիսը, տարեթիվը այն օրերի, երբ կատարվել են մուծումները,
  - 2) «Հիմնադրամ մուծված գումարի չափ 2» սյունակում լրացվում է յուրաքանչյուր օրվա մուծումների ընդհանուր չափը՝ ՀՀ դրամով,
  - 3) «Ընդամենը» տողում լրացվում է «Հիմնադրամ մուծված գումարի չափ 2» սյունակում նշված գումարների ընդհանուր չափը:
- 2.4 **«Ծախսեր» մասի.**
  - 1) «ԿԸՀ 24.02.2020թ. N 15-Ա որոշման 1-ին կետով նկարագրված ապրանքների և ծառայությունների ձեռքբերման ծախսերի ժամանակագրություն 3» սյունակի յուրաքանչյուր տողում ըստ հերթականության լրացվում է օրը, ամիսը, տարեթիվը այն օրերի, երբ կատարվել են ծախսերը, իսկ մինչև հիմնադրամի ձևավորումը ձեռք բերված ապրանքների և ծառայությունների դեպքում, լրացվում է «մինչև հիմնադրամի ձևավորում» բառերը կամ դրանց հապավումը՝ «ԼՀԶ»,
  - 2) «ԿԸՀ 24.02.2020թ. N 15-Ա որոշման 1-ին կետով նկարագրված ձեռք բերված ապրանքների և ծառայությունների անվանում 4» սյունակում ըստ օրերի առանձին տողերում լրացվում է զանգվածային լրատվության միջոցներով քարոզչության իրականացման, ժողովներ, հանդիպումներ և հանրաքվեի հետ կապված այլ միջոցառումներ կազմակերպելու նպատակով դափնիների, տարածքների վարձակալման, շտաբների վարձակալման, քարոզչական պաստառների պատրաստման (տեղադրման), քարոզչական տպագիր և այլ նյութերի ձեռքբերման, քաղաքացիներին տրամադրվող քարոզչական բոլոր տեսակի նյութերի (ներառյալ՝ տպագիր նյութերի) պատրաստման նպատակով ձեռք բերված յուրաքանչյուր ծառայության, գույքի կամ ապրանքի անվանումը,
  - 3) «Հիմնադրամից կատարված ծախսի փաստացի չափը 5» սյունակում լրացվում է 4-րդ սյունակում նշված յուրաքանչյուր ծառայության ձեռքբերման, գույքի կամ ապրանքի ձեռքբերման (վարձակալման) համար կատարած ծախսի փաստացի չափը: Այն դեպքերում երբ 4-րդ սյունակում նշված ապրանքը, գույքը կամ ծառայությունը ձեռք է բերվել (վարձակալվել է) մինչև հիմնադրամի ձևավորումը, ինչպես նաև անվճար ստացման դեպքում, ծախսի փաստացի չափը նշվում է «0 (զրո)»,
  - 4) «ԿԸՀ 24.02.2020թ. N 15-Ա որոշման 1-ին կետով նկարագրված ապրանքների և ծառայությունների շուկայական արժեքը 6» սյունակում նշվում է հայտարարագրման ենթակա ապրանքների կամ ծառայությունների շուկայական արժեքը: Եթե «Հիմնադրամից կատարված ծախսի փաստացի չափը 5» սյունակում նշված գումարը համընկնում է հայտարարագրման ենթակա ձեռք բերված գույքի, ապրանքի կամ ծառայության շուկայական արժեքի հետ, ապա 6-րդ սյունակում նշվում է նույն թիվը: Մինչև հիմնադրամի ձևավորումը ստացված գույքի, ապրանքների և ծառայությունների դեպքում, ինչպես նաև այն դեպքերում, երբ ստացված հայտարարագրման ենթակա գույքի, ապրանքի կամ ծառայության շուկայական արժեքը 5-րդ սյունակում նշված թվից ավելի բարձր է, նշվում է հայտարարագրման ենթակա գույքի, ապրանքի կամ ծառայության շուկայական արժեքը,
  - 5) «ԿԸՀ 24.02.2020թ. N 15-Ա որոշման 1-ին կետով նկարագրված գույքի, ապրանքների և ծառայությունների ձեռքբերման համար կատարված ծախսերի կատարումը հավաստող փաստաթղթերի տվյալներ 7» սյունակում լրացվում է 4-րդ սյունակում նշված հայտարարագրման ենթակա յուրաքանչյուր ծառայության, գույքի կամ ապրանքի ձեռքբերման (վարձակալման) ծախսերի կատարումը հավաստող փաստաթղթերի տվյալները (պայմանագրի համարը, օրը, ամիսը, տարեթիվը, վճարման անդորրագրի համարը, օրը, ամիսը, տարեթիվը և այլն),
  - 6) «ԿԸՀ 24.02.2020թ. N 15-Ա որոշման 1-ին կետով նկարագրված գույքի, ապրանքների և ծառայությունների ձեռքբերման (վարձակալման) հետ կապված վճարման ենթակա, դեռ չվճարված դրամական պարտավորությունների չափը 8» սյունակում լրացվում է 4-րդ սյունակում նշված հայտարարագրման ենթակա յուրաքանչյուր ծառայության, գույքի կամ ապրանքի ձեռքբերման (վարձակալման) մասով դեռ չվճարված դրամական պարտավորությունների չափը՝ եթե այդպիսիք առկա են: Եթե հայտարարագրման ենթակա յուրաքանչյուր ծառայության, գույքի կամ ապրանքի ձեռքբերման (վարձակալման) մասով վճարման ենթակա, դեռ չվճարված դրամական պարտավորություններ առկա չեն, ապա նշվում է «0 (զրո)»,
  - 7) «Ընդամենը» տողում լրացվում է «Հիմնադրամից կատարված ծախսի փաստացի չափը 5» սյունակում նշված թվերների ընդհանուր չափը և «ԿԸՀ 24.02.2020թ. N 15-Ա որոշման 1-ին կետով նկարագրված ապրանքների և ծառայությունների շուկայական արժեքը չափ 6» սյունակում նշված թվերների ընդհանուր չափը:

**3. «Հիմնադրամում մնացած գումարի չափ» տողում լրացվում է հաշվելու ժամանակահատվածի վերջում հիմնադրամում մնացած չօգտագործված գումարի չափը, որը հավասար է «Հիմնադրամ մուծված գումարի չափ 2» սյունակի ընդամենը տողի և «Հիմնադրամից կատարված ծախսի փաստացի չափը 5» տողի թվերի տարբերությանը:**

**4. Հայտարարագրի համապատասխան տողում լրացվում է հայտարարագրի թերթերի և դրան կից պայմանագրերի, փաստաթղթերի թերթերի թվերը:**

Հայտարարագիրը ստորագրում է քարոզչության կողմի լիազոր ներկայացուցիչը, նշվում է լիազոր ներկայացուցչի անունը, հայրանունը, ազգանունը և լրացվում է հայտարարագիրը ներկայացնելու օրը, ամիսը, տարեթիվը: